

Sogdian

Lo **sogdian** es una lenga iraniana atudada que foguèt parlada en Sogdiana en Tatgiquistan, Ozbequistan, e tamben en Cazacstan e Quirguizstan actuals.

Somari

Classificacion
Descubèrta de la lenga
Escritura
Referéncias
Fonts

Classificacion

Lo sogdian es una lenga iraniana orientala qu'es donc pròcha de las autras lengas iranianas mejanas conegudas en Asia Centrala e en Turkestan, lo bactrian, lo khotanés e lo khwarezmian.

Descubèrta de la lenga

Longtemps, lo sogdian foguèt sonque conegut per qualques mots dins l'òbra d'Al-Bironi. La lenga foguèt vertadierament descubèrta al començament del sègle XX, per las expedicions alemandas, britanicas, puèi francesas, japonesas e russas dins los oasis del Turkestan.

L'exploracion dels sites arqueologics metèt al jorn fòrça manuscrits dins fòrça lengas, lo chinés, lo pèrsa mejan, lo part, lo khotanés e demest aquelas una lenga desconeguda que foguèt identificada coma lo sogdian. Lor preséncia lonh de Sogdiana mostrèt que lo sogdian èra una lingua franca sus la Rota de la Seda^[1]. En 1933, los arqueològs sovietics trobèron dins un castèl del Mont Mugh, dins la valada de Zarafshan, de novèls tèxtes en sogdian^[1]. Los manuscrits van del sègle IV al sègle IX^[1].

Escritura

Los manuscrits que son sovent de natura religiosa, bodistas, crestians e maniquèus, son escriches dins d'alfabets diferents per cada religion. Pasmens mòstran pauc de varacion dins la lenga^[2].

Referéncias

- Oranskij 1977, p. 80.
- Oranskij 1977, p. 81.

Sogdian	
Parlat en	<u>Tatgiquistan</u> , <u>Ozbequistan</u> , <u>Cazacstan</u> , <u>Quirguizstan</u>
Regions	<u>Sogdiana</u>
Familha lingüistica	<u>lengas indoeuropèas</u> <u>indoiranian</u> <u>iranian</u> <u>iranian oriental</u> <u>sogdian</u>
	Estatut oficial
ISO 639-3	<u>sog</u> (http://www.sil.org/iso639-3/documentation.asp?id=sog) (en)

Fonts

- (fr) Iosif M. Oranskij, 1977, *Les langues iraniennes*, traduit per Joyce Blau, Institut d'études iraniennes de l'Université de la Sorbonne Nouvelle, documents et ouvrages de référence 1, París, Librairie C. Klincksieck.



Portal de las lengas

Recuperada de « <https://oc.wikipedia.org/w/index.php?title=Sogdian&oldid=2199027> »

Aquesta pagina es estada modificada pel darrièr còp lo 21 mai de 2020 a 19.03.

Drech d'autor : Los tèxtes son disponibles jos licéncia Creative Commons paternitat pertatge a l'identic ; d'autres condicions se pòdon aplicar. Vejatz las condicions d'utilizacion per mai de detalhs, e mai los credits grafics.
Wikipedia® es una marca depausada de la Wikimedia Foundation, Inc., organizacion de benfasença regida pel paragraf 501(c)(3) del còde fiscal dels Estats Units.